



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Sancti Hieronymi Stridonensis, Sanctae Romanae Ecclesiae Presbyteri Cardinalis Epistolae In Tres Libros distributae**

**Hieronymus, Sophronius Eusebius**

**Coloniae Agrippinae, 1674**

XXXIV. Ad eandem. Nihil longum est.

**urn:nbn:de:hbz:466:1-37862**

tamen nequaquam duri quorundam atque crudeliter animi molliuntur, dum pannos eorum & sarcinulas discutunt, aurum in captivitate quaerentes. Accedit ad hanc dictandi difficultatem, quod caligantibus oculis senectute, & aliquid sustinentibus beati Isaac, ad nocturnum lumen nequaquam valeamus Hebraeorum volumina relegere: quietiam ad Solis dieique fulgorem, literarum nobis parvitate caecantur. Sed & Graecorum commentarios tantum voce cognoscimus. Nullique dubium, quod ALIENIS dentibus commoliti cibi vescentibus nauseam faciant. Unde obsecro te, filia Eustochium, ut ista, quae notarium stylo cudimus, & ad quae emendanda spatium vix habemus, post intervalla suscipias.

Gen. 27.

XXXIII. Hieronymus Eustochio. Deplorat Romanam urbem calamitatem, & eorum, qui ex urbe pauperes ad se veniebant egestatem, tum Eustochio dedicat tertium volumen in Ezechielem.

Nihil longum est, quod finem habet: & omnis retro temporum series transacta non prodest, nisi forte honorum operum sibi viaticum praeparaverit, quae semper ad futura, imò ad aeterna respiciunt: & nulli terminis coartantur. Vera sententia est: Omnia orta occidunt, & aucta senescunt. Et alibi: Nihil est enim opere & manu factum, quod non conficiat & consumat vetustas. Quis crederet, ut totius orbis extructa victricis Romae corrueret, ut ipsa suis populis & mater fieret, & sepulchrum: ut tota Orientis,

Nihil  
diuturnum.

Aegy-



Ægypti, Aphricæ litora olim dominatricibus, servorum & ancillarum numero completur: ut quotidie sancta Bethlehem, nobiles quædam utriusque sexûs atque omnibus divitijs fluentes, susciperet mendicantes? Quibus etiam opem ferre non possumus, condolemus lacrymas lacrymis jungimus: occupati quæstus operis sarcina, dum sine gemitu confluentem videre non patimur, explanationes in Ezechiel & penè omne studium omisimus: scripturarum quæ cupimus verba in opera vertere: & non credere sancta, sed facere. Undè rursus à te communiti, ô Virgo Christi Eustochium, intermissum librum repetimus: & tertium volumen aggregatum tuo desiderio satisfacere desideramus, illud & cæteros, qui lecturi sunt, deprecantes, ut vires nostras, sed votum considerent, quorum alterum fragilitatis humanæ, alterum sanctæ esse Domino voluntatis.

XXXV. Hieronimus Eustochio. Pide ludit circa septem munera, qua miserat Eustochium, et ad mysticos sensus sanctam Virginem revocat.

**P**ARVA specie, sed charitate sunt magna munera, accepisse à Virgine armillas, epistolam & *Levit. 2.* columbas. Et quoniam mel in Dei sacrificijs non offertur, nimia dulcedo arte mutata est, & quædam, ut ita dicam, piperis austeritate condita. **A**PUD Deum enim nihil voluptuosum, nihil tantum suave placet, nisi quod in se habet mordacitatis. *Exod. 12.* eis aliquid veritatis. Pascha Christi cum amaritudinibus manducatur. Festus est dies, & natalis